

牧雲和尚語錄

一六五

C40
4514
(139.140)



60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

C40-4514



B 64853

序

道猶火也說道而有語錄猶火之有薪也以我之火傳於人人與我之火一火也傳之必資于薪以我之道傳於人人與我之道一道也傳之必資于語錄循跡而鮮悟者見語錄不見道是執薪以爲火也雖積薪如山不能得炎上之用蹈虛以自溺者不見道并不見語錄是求火而舍薪也昏暮叩人之門戶人卽欲與之火豈能徒手取以歸哉雖然火者人之日用資以生不得則不生也道者亦人之日用資以生不得則失其所以生也不得則不生者其事顯其勢急

人遑遑乎皆知求火不得則失其所以生者其理微
其勢急而似緩人悠悠乎皆不知求道于是高禪古
德隱心救世坐名山古刹撞鐘伐鼓巍壇廣會而大
聲疾喝施五棒之妙機如公大樽於通衢而人皆醉
酌以去猶懼其未徧也一會不已而再再會不已而
三我牧老人杖履所至風飈雷動極于二三十年之
久七會之多益亦勤而至矣豈非遠揚臨濟近紹天
童爲法中之王末劫滔滔之砥柱哉老人近以多病
槩謝酬應攝靜林居而憫世荷道之心孳孳未已于
是門人爲集七會錄梓之以播世欲使與七會者如

逢故人不忘其已逮卽不與七會者亦如嘗新味開
發其未經是何異天下之人皆予之以薪俾其舉火
自養而不煩昏暮叩人也獨是余不肖久從老人遊
依依乎無所見似抱薪而失火然與七會之一二卽
不得火已在老人光炤中矣竊自慶幸焉是爲序

欠庵居士朱一是法名恒晦拜撰

撰述

卷之二十一

序

憶三十年以前世不大知有宗門事先自密雲老人倡教金粟嚮化者趨之尚疑與駭相半嗣後機緣漸熟擁滋弘邇來龍象世出環海內而席倚歟盛矣顧其間夙學耆德爲遠邇推服磊磊不過數人牧雲和尚其著也師印心於密老人先住梅里之古南繼居興福棲真天童興化退隱鶴林所在開堂入室問答話頌各有專刻茲復芟繁訂存十六卷流通于楞嚴之經坊嗟乎予於斯事未得影響嘗妄論之古有說心性禪者語於機用則非有專以棒喝接人而

板述

卷之六

一

清訛覆藏不少有通宗昧教者開口貽譏有得先悟而忘後脩而或顛倒違失於日用之交聖凡不可盡料苟非驗之言句卒無絲知淺深苟徒言句取之而機上矣不必其應博眼正矣不必其行純或曰無禪或曰無師代非哲人誰雪斯語予接侍師久見師向上單提炤用不測顚心妄作之流實愧詘焉兼以廣搜藏譯旁括儒詮理無礙事性不遺相有大成之風不亢激于時而又不無町畦于俗靜然恒以自養而教或嚴而不可犯斯人也而有斯錄也夫誰曰不宜噫此未可爲言句論也構李王庭言遠敬題

牧雲和尚語錄目錄

卷一

住嘉興古南禪院語錄

卷二

明州高梧山棲真禪寺語錄

嘉興梅谿禪院語錄

卷三

虞山興福禪寺語錄

卷四

再住虞山興福禪寺語錄

卷五

興化極樂禪院語錄

鎮江鶴林禪寺語錄

卷六

寧波府天童山景德禪寺語錄

卷七

小叅

卷八

示衆上

卷九

示衆下

晚叅

卷十

普說

對機

垂代

卷十一

陞座上

卷十二

陞座下

60

1 2 3 4 5 6 7 8 9

70 1 2 3 4 5 6 7 8

9 80 1 2 3 4 5 6 7 8

9 80 1 2 3 4 5 6 7 8

撰述

卷十三

小參之餘

卷十四

晚話示衆

法語

卷十五

拈古上

卷十六

拈古下

卷十七

頌古上

卷十八

頌古中

卷十九

頌古下

卷二十

行實

牧雲和尚語錄目錄終

60

1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

80 1 2 3 4 5 6 7 8 9

80 1 2 3 4 5 6 7 8 9

80 1 2 3 4 5 6 7 8 9

80 1 2 3 4 5 6 7 8 9

80 1 2 3 4 5 6 7 8 9

80 1 2 3 4 5 6 7 8 9



卷十

妙心錄

牧雲和尚語錄卷第一

姑蘇西華山秀峰寺門人行瑋等編

住嘉興古南禪院語錄

崇禎十三年端陽後十日師在虞山興福禪寺受請
拈疏云正法眼藏涅槃妙心見聞未兆千里同風其
或未辨來由更請宣過

拈法衣云脫珍御服著獎垢衣古聖多有樣子山僧
今日無端也入者羣隊去也還有相救者麼乃云假
使百千刦所作業不忘因緣會遇時果報還自受遂
陞座云漠漠水田飛白鶩陰陰夏木轉黃鸝空山冷

坐將藏拙敲唱他鄉有故知大衆他鄉旣有故知則
他鄉宛同本處恁麼見得便知不離菩提場而昇普
光殿塵塵爾刹刹爾撥轉向上機輪鑿開人天正眼
恁麼也得不恁麼也得全收全放全合全開說甚麼
去來不以象動靜不以心去來不以象懷州牛喫禾
益州馬腹脹動靜不以心空生巖畔坐天雨四花來
初非有待而然只是當人元初本分風行草偃水到
渠成且應時應節一句作麼生道看取仰高雲勢遠
搏風九萬過南州

復舉三聖示衆云我逢人卽出出則不爲人興化云

我逢人卽不出出則便爲人師云三聖興化雖則發
明宗眼大似徐六擔板各見一邊舉拂子云大衆還
委悉麼分明頌出盤走珠分珠走盤同途出入好生
看誰箇爲人誰不爲釣鰲須是任公竿

九月二十二日入院至三門云古佛大解脫門不離
當處八字打開洞然無礙其或東覓西馳未免指南
一上拽拄杖便入

佛殿容顏甚奇妙光明照十方山僧大展坐具因甚
黑漆漆地於法自在我爲法王
方丈我也如是你也如是踏步向前棒頭如雨何故

既入虎穴要得虎子

開堂師至法座前拈疏云只者是山僧憑茲而來四衆因茲而聚同聲相應文彩已彰錦上鋪花請重宣過師云疏已宣畢便恁麼散去省却一半事猶待顧佇未免起模畫樣遂陞座拈香云此一瓣香如天普蓋似地普擎爇向爐中端爲祝延今上皇帝聖躬萬歲萬歲萬歲伏願皇極永建於城中萬方效順五福單數於海外兆姓謳歌次拈香云奉爲聖朝文武勲位宰官調羹補袞祿位崇遷日升月恒福源洪注次拈香云奉爲現前諸大護法會際明良作王臣而

不忘佛記化資平治主斯文而外護吾宗以及今日四來檀信遠近耆宿同願心花發明慧身成就又拈香云諸人還知麼十餘年瞻風撥草歷盡艱辛一按指卸甲倒戈面目親證雖然本自瓊瑤要且難忘鉢置奉爲見住寧波府天童山景德禪寺傳曹谿正脈第三十四世密雲禪師大和尚用酬法乳之恩遂歛衣敷座上首白椎云法筵龍象衆當觀第一義師云若是龍象不必再觀定場已圓試蹴踏看僧問新開爐鞴虎驥龍驤坐斷千差不通凡聖正當恁麼時還假煅煉也無師云你是鈍鐵進云棒如雨點喝若雷

霆信是門庭邊事堂與中又如何酬答師云且向門外立進云滿庭黃葉傳消息一度風來遍界寒師云者却應箇時節進云古路鐵蛇橫正令象王移步絕形蹤師便打問闡濟正宗弘天童的旨入鄆垂手卽不問直提單提事如何師拈拄杖云你且上鈎來問昔日臨濟初住院時云我欲于此建立黃檗宗旨未審如何是黃檗宗旨師打云一棒血淋淋進云今日或有人問和尚如何是天童宗旨又作麼生師又打云再犯不容僧禮拜師復打乃云欲識佛性義當觀時節因緣只今坐立儼然是什麼時節若是箇伶

例漢撩起便行便能高超三界提拔四生不踏報化
佛頭掃空聖凡知見直得物物頭頭全彰妙用塵塵
刹刹普現真機所以道法隨法行法幢隨處建立然
後不妨在天而天在人而人在僧而僧在俗而俗各
各具如是威德如是自在如是奇特如是殊勝卽山
僧恁麼道如將一把沙撒向諸人眼裏了也且不涉
化門一句作麼生道雨暘時若文明世草樹禽魚樂
太平謝詞不錄

復舉法燈和尚開堂日云山僧本欲深棲巖竇隱遁
過時祇緣先師有箇未了底公案出來爲他了却時

有僧問如何是先師未了底公案法燈便打云祖禰不了殃及兒孫僧云過在什麼處燈云過在你殃及我師云法燈和尚可謂謙光猿物枉尺直尋山僧則不然遍界不曾藏雖踞孤峰絕頂未嘗不在水雲深處又何曾隱遁來本師現在喚得屙得有甚公案不了既然如是只今又向諸人面前呌喚作麼祖燈續談明無盡只要釣頭得錦鱗卓拄杖下座上首白椎云諦觀法王法法王法如是

請執事上堂舉手云一掌不浪鳴撫掌云兩掌鳴摶摶若人向此薦得佛法上也著世法上也著賓主歷

然節拍相應量才補職高下得宜便見內外一如表裏無雜復上祖之風成棲林之業大眾且逢緣不變一句作麼生道雪後始知松柏操事難方見丈夫心開爐上堂立冬交半月古南制纔結霜風劈面來諸人瞽不瞽若也瞽去一任暑往寒來熱時熱殺閻黎寒時寒殺閻黎無不好時節卽今作麼生歸堂安歇卓拄杖下座

上堂僧問未白椎已前薦得猶是第二如何是第一師云脚跟下蹉過進云蹉過箇什麼師便打又僧問一喝分賓主焰用一時行如何是賓中主師亦打進

撰述

物語和尚錄卷一

五

云如何是主中賓師復打如何是賓中賓師又打如何是主中主師打云速退速退進云如何是先焰後用師云莫將問來如何是先用後焰師打云打了向你道如何是焰用同時師直打云退後退後如何是焰用不同時師靠拄杖云無氣力答你進云恁麼則臨濟中興于此日古南佛法又重新師復打乃云今日十月五行者擊法鼓長老爲陞堂分明全體露直得頂門上光皎皎地脚跟下赤洞洞地行但行坐但坐無一絲毫障礙因甚諸人向者裏覓佛覓法覓禪覓道扶籬摸壁會麼甜瓜徹帶甜苦瓜連根苦靠拄

杖下座

華嚴會上堂僧問世尊未出母胎度人已畢和尚今日陞座說箇什麼師云你向未出母胎時道來僧云如是如是師便打乃云華嚴法界理事無礙躉拈拄杖云大衆杜順和尚來也在拄杖頭上口喃喃地道懷州牛喫禾益州馬腹脹天下覓醫人灸猪左膊上諸人還見麼若也見未免頭上安頭若不見日用堂堂無益覆本來同是遮那身

長至日護法請上堂云六陰極處一陽生商旅關津不放行君子道于斯際長衲僧足底冷如冰還有冰

河發焰者麼速出與古南拄杖相見僧問羣陰剝盡
一陽復始于學人分上還相契也無師云拄却鼻孔
進云學人到此分疎不下師打云棒打石人頭僧問
凡聖交參卽不問霜風拂面意如何師云寒毛卓鑒
進云恁麼則箇箇徹骨徹髓去也師云你那裏見得
僧轉身出云龍袖拂開全體現象王行處絕孤蹤師
云孟八郎漢僧問不與萬法爲侶不與諸塵作對什
麼人境界師云你還識山僧麼僧問如何是有句無
句如藤倚樹師云虛空鳴曝曝進云樹倒藤枯句歸
何處師云齒牙墮地進云呵呵大笑歸方丈意旨如

何師云直得分疎不下進云學人別有長處師便打
乃云諸佛命脈列祖淵源森羅萬象無黨無偏釋迦
老子道我此法印爲欲利益世間故說在所遊方勿
妄宣傳今日旣遇明眼作證山僧豈敢被蓋囊藏驀
呈拂子云還見麼若喚作拂子眼中著屑不喚作拂
子靜沉死水若是箇漢兩頭不涉中間撒開直下如
千日金照萬鏡臨臺現前若僧若俗見聞不昧坐立
儼然交光相羅如寶絲網情塵坐斷覩體全彰萬別
千差吾道一貫旣一貫便見天得一以清地得一以
寧人得一以靈日月得一以照臨四時得一以運行

鳥獸得一以飛鳴草木得一以發萌衲僧得一鉗鎚
在手有時奪人不奪境有時奪境不奪人有時人境
俱奪有時人境俱不奪拈一莖草作丈六金身用丈
六金身作一莖草用把住也滴水滴凍水泄不通放
行也箇飛律管和氣靄然正恁麼時如何妙握司南
造化柄旋乾倒嶽許誰同

復舉僧問雲門一切智通無障礙時如何門云掃地
潑水相公來師云雲門答者僧話可謂交以道接以
禮只是臨時取辦覺得倉忙所以道恭敬者幣之未
將者也祇如今日諸大護法貴臨荒院所謂相公來

也忽有箇衲僧出問一切智通無障礙時如何但向
他道聞名不如見面大衆且道與雲門相去多少還
會麼人生相識貴知音水入水兮金博金卓拄杖下
座

李曉令居士至上堂云一言見諦一語歸宗一句具
三玄一塵含法界直下現成更無餘事不見當時李
翹太守嚮藥山玄化躬往問如何是道山以手指上
下云會麼守云不會山云雲在青天水在瓶守欣然
有省而述偈曰煉得身形似鶴形千株松下兩函經
我來問道無餘說雲在青天水在瓶大衆藥山一期

垂手不妨俊快李翹居士雖則頂冠束帶選佛甲科却也少他不得雖然古南今日更資一路雲在青天水在瓶藥因救病出金瓶慕拈拄杖云丈夫各有冲天志莫向他人行處行便下座

臘月朔上堂僧問如何是古南境師云寒森森地如何是境中人師云當堂獨坐如何是目前事師云閻黎現問如何是學人安身處師云脚跟下蹉過僧禮拜師便打乃云竺土大仙心東西密相付釋迦老子說法四十九年三百餘會不說心便說性達磨大師從南天竺國來震旦亦說直指人心見性成佛及乎

退到老神光安心又道覓心了不可得且道諦訛在甚處安心且置年荒米貴禪和子聚頭一百二百十字街頭石敢當不知我先佛法門陰翊王度冷地不甘昨夜奏上四天王宮俱各忿然大怒差了飛行夜叉向四天下尋覓凡是禪和子俱要一時索取眼睛驂拈拄杖卓云正恁麼時還有避得者麼若知迴避不得不妨因禍致福若也眼瞎聰地謹白參玄人光陰莫虛度

上堂清寥寥白滴滴佛祖家風淨爍爍赤灑灑衲僧境界捏雙空手要與八大龍王鬪富固是尋嘗却笑

蒙莊道適千里者三月聚糧適百里者宿春糧適莽
蒼者三餐而反腹猶果然大衆腹猶果然饑火不煎
古南院裏絕糧日日如在陳且喜沒箇愠見底若有
不妨與他一絇草鞋雖然今日門上座聊作一法供
養去也遂擡雙手云不是楊岐栗蓬亦非雲門餽餅
各人直下咬着大勝醍醐灌頂

春日上堂僧問靈雲見桃花悟道悟箇甚麼師云刺
破你眼睛進云玄沙道諦當甚諦當敢保老兄未徹
在意旨如何師云親言出親口僧禮拜師乃云春打
六九頭春雨灑簷頭春意分明極春眠在枕頭還會

麼穩將衲被自蒙頭一任村翁送土牛下座

歲旦上堂元正啓祚萬物咸新天地新日月新人面
新昆蟲草木不可不新三門佛殿不可不新燈籠露
柱不可不新門上座手中拄杖子不可不新正恁麼
時普天之下率土之濱墾老謳歌漁人起舞敢問大
衆且道承誰恩力遂起身曲躬云首出庶物萬國咸
寧一人元良萬邦以貞拈拄杖下座

上堂昨日稱人日今朝又穀辰流光雖逝速了達本
全真所以云昔物自在昔今物自在今今古物各位
世間相當住今古意分明春日華山青直得櫓棹南

來北來好事通同草鞋東去西去了無變異百草頭上薦取老僧則且置祇如金牛和尚道菩薩子喫飯來又作麼生會麼頻呼小玉元無事祇要檀郎認得聲卓拄杖一下

佛誕上堂舉遵布衲於藥山浴佛次山問云汝只浴得這箇還浴得那箇麼遵曰把將那箇來藥山便休師云藥山垂絲千尺意在深潭遵布衲鉤在不疑四楞場地祇如藥山休去還有商量也無擲下杖云不勞再勘

佛開光上堂云突出難辨佛祖迷蹤坐斷乾坤渠無

國土直得盡十方世界風颺颺地便恁麼去法堂前草深一丈忽若隨衆生心應所知量便道三十二相無此相八十種好無此好譬如大雲起於世間颶颶垂布地上清涼未度者令度未安者令安苦者與樂病者得瘥天人羣生類皆承此恩力爲救爲歸爲依爲怙雖然如是閑熱門庭不見長沙和尚道三世諸佛共法界衆生盡是摩訶般若光光未發時無佛無衆生消息且如今日隨機展演又作麼生舉拂子點云萬德莊嚴功德聚頂門正眼一時開

端午上堂五月端陽仲夏漸熟過堂出汗走路頂笠

60 1 2 3 4 5 6 7 8 9

70 1 2 3 4 5 6 7 8 9 80 1 2 3 4 5 6 7 8

徹骨徹髓明明歷歷凡情聖見直下一截直得上不見有諸佛下不見有自己不着佛求不着法求不着僧求覩體七穿八穴其或自信不及更煩拂子書箇靈符念箇真言爲諸人保任此事終不虛也乃畫殃云利如劍毒如蠍摩訶般若波羅蜜五月五日午時書赤口白舌盡消滅復以拂子點云急急如律勅祈雨上堂十五日已前乾曝曝地十五日已後天作時雨山川出雲正當恁麼時如何溪北溪南田地上泥牛耕出古黃金

解夏上堂舉洞山示衆云秋初夏末兄弟家東去西

去直須向萬里無寸草處去師云洞山指箇地頭固雖奇特只是難爲草鞋石霜聞云出門便是草將謂無人證明大陽云總使未出門也則草漫漫地可謂因事長智大衆三大宗師名喧宇宙因甚只向草裏輒古南當時若見脚跟下各與一頓

中秋上堂天是本來夫月是尋嘗月偶逗到中秋世間咸喜悅雲霧又何來彌天撥不開雖然如是一點也瞞他不得爭奈多少人向者裏迷頭失焰便道月聲古南爲止小兒啼不避諸方簡責權且應箇時節遂監指云還見麼汝觀明月在我指端

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

復舉馬大師同智藏百丈南泉翫月次問云正恁麼時如何藏云正好修行丈云正好供養次問南泉泉拂袖便行師云馬大師眼觀東南意在西北三大士舉一明三目機銖兩叢林逞逞作翫月話商量若到古南面前拄杖不輕放過

結冬上堂十月開爐諸方舊例九旬安衆先聖宏規祇如放下暖簾堂內不知堂外事高趺雙足南洲踏到北洲頭諸人若信得及又何待南天台北五臺行盡驢腳馬腳還會麼若是陶淵明攢眉便歸去

上堂仲冬嚴寒言端語端山僧小時在書堂中記得

首千家詩遂歌云一團茅草亂蓬蓬蒿地燒天蒿地空爭似滿爐煨榦柴湯騰騰地煖烘烘太眾山僧更自展家風去也住郵絕異住茅蓬榦柴頭一併空幸有多年陳布衲蒙頭不待草來烘顧衆云還會麼早知燈是火飯熟已多時下座

上堂舉世尊一日陞座文殊白椎云諦觀法王法法王法如是世尊便下座師頌云老將不談兵文殊特請纓一朝權在手便把令來行正當恁麼時山僧性命在諸人手裏其或眼目定動諸人性命却在山僧手裏卓杖一下

撰述

物語和諧詞錄卷一

上堂今朝臘月一雲開日又出田家候雨雪時節忽復易上是天下是地是法住法位世間相當住青蘿夤緣直上寒松之頂白雲淡泞出沒太虛之中萬法本閒惟人自閑直饒箇漢出來道我國晏然也是無風匝匝之波畢竟如何舉拂云皮膚脫落盡惟有一真實下座

上堂從苗辨地因語識人言鋒若差鄉關萬里古南者裏從朝至暮東棒西棒驀拈棒云大眾今日喫蘿蔔記得僧問趙州曾聞和尚親見南泉是否州云鎮州出大蘿蔔頭汝等諸人要親見諦當處麼莫問領

州不鎮州南泉趙州總在肚脹

謠八上堂僧問星光炳耀結角羅紋獅子頰呻兩彩一賽未審成何祥瑞師云吒吒沙沙歷歷落落進云恁麼則截斷舌頭橫宇宙師云三千里外絕諸訛乃云無上法王有大陀羅尼門流出一切清淨真如菩提涅槃及波羅密教授菩薩敢問諸人洞達此門也未若也洞達便可坐證涅槃心流通正法眼曩時釋迦老子於雪山夜半明星出時歎云奇哉奇哉一切衆生皆具有如來智慧德相釋迦老漢雖則居上位不陵下正眼觀來大似多了一番猜謎何故還家盡

撰述

是兒孫事祖父從來不出門

復舉昔日李翹太守問藥山云如何是戒定慧藥山云老僧者裏沒者閒家具師云藥山口門不緊莫道戒定慧等間將先佛河沙數無量法門一時布施諸人脫未諳悉重新頌過當陽一劍秉鎧鉗殺活齊行老作家直下斬開無盡藏七珍八寶一時拿

歲旦天童老和尚授法衣上堂大眾佛佛授手祖祖相傳夜來簷前雨滴霖霖萬方所有地種各得生長家國興盛野老謳歌諸人若自信得及惺惺直言惺惺歷歷直言歷歷傳本無傳授本無授其或未然大庾嶺頭提不起如今也要大家知便下座
上堂人日立春宇宙斬新雪消冰解萬木欣欣正恁麼時無位真人向面門突出把定世界直得日月未足爲明虛空未足爲廣泰華未足爲高江海未足爲深黑湯湯地填溝塞壑且如何是不壞世相放行一句淑氣催黃鳥晴光轉綠蘋下座

解制上堂孟冬十月記開爐看看逗到上元時雖然村落無燈火別有光明一段奇諸人若也尚畱觀聽古南未免從胸正字湧出寶光懸懃相送轂拈拄杖云者木上座又道不必不必何故擲下云家家門前

自山一
撰述

火把子

歲旦董文學請上堂春風拂拂春雨微微新年頭佛法有張公醉卻李公酒新年頭佛法無家家門上換桃苻所以佛心不二帝德無私一人有慶兆民賴之林下道人知恩有分山僧輒成一頌日月光天德山河壯帝居太平無以報願上萬年書且萬年書如何上仙郎幸有攀花手好折蟾宮第一枝下座

上堂安居過八旬彼此絕蹤親今日分明舉歷然明主賓去者自去住者自住行者自行相逢不下馬各自奔前程雖然如是去卽印住住卽印破鐵棒打着

瘡痕露向去休教事負我何故平窺紅爛處暢殺子平生

佛誕上堂黃面瞿雲此日生毘藍園裏便經行指天指地顧四方自稱天上天下我獨尊奇特也甚奇特俊俏直是俊俏只是惹得雲門大師冷地不甘要將一棒打殺與狗子喫貴圖天下太平現前大眾要識黃面瞿雲麼拍右膝云者裏是要識跛足雲門麼拍左膝云者裏是山僧恁麼告報汝諸人唯自肯乃方親其或未然九龍既不現杓柄卻在我手裏領將惡水潑諸人拈拄杖一時打散

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

新建彌勒殿檀越請上堂僧問畫棟雲生龍飛鳳舞
 正恁麼時如何是羅龍攫鳳底句師云正好你上釣
 來僧云當陽指出超方眼彈指頓開樓閣門師便打
 問如何是上梁一句師云瞻之仰之間如何是上梁
 何是上梁一句師云識取拄杖子如何是方便門師云
 扯你不入問如何是古南境師云面前人簇簇如何
 是境中人師云眉毛萬丈問靈光一點無人見師云
 瞎僧云喫飯穿衣共得知師云錯乃云法不孤起仗
 境方生道不虛行隨機善應非離真而立處立處卽

真便見一莖草上現瓊樓玉殿叢林光顯法衆仰觀
 祝贊皇猷萬年香火直得堯風普扇舜日高輝野老
 謳歌昆蟲起舞到者裏如海納百川悉同一味如衆
 毛成毬同時圓轉如同人之卦不可得而親疎出沒
 卷舒全機無礙去來坐立真智無虧現殊勝緣作奇
 特事十方不隔三世無違內官慈氏只在目前金色
 文殊容身無地且正恁麼時超宗逸格一句又作麼
 生要憑治國安邦手扶暨山門大棟梁

復舉天親菩薩從彌勒內宮而下無着菩薩問曰人
 間四百年彼天爲一晝夜彌勒於一時中成就五百

億天子證無生法忍未審說甚麼法天親曰祇說者箇法祇是梵音清雅令人樂聞師云山僧今日處彌勒宮法衆在筵羣賢枉駕亦說者箇法普同供養只是土音重濁不能聳聽雖然驕卓拄杖云過去諸如來斯門已成就現在諸菩薩今各入圓明未來修學人當依如是學復卓杖下座

上堂諸方結冬說禪浩浩古南者裏剛值修造殿脊日曬風吹牆壁東倒西倒也欲袖手坐觀爭奈公案不了未免就水和泥聊將空闕補好擰持此箇法門要討當家種草直須着着攬先莫待點卽不到何故

全機大用頭頭露且湧蒙頭衲被中下座

上堂今日風頭硬大地皆冬令衲僧上前來面上如黃病爐炭一點無綿袍無箇贈一堂冷澹風千古思前聖正恁麼時諸人分上如何受用不是一番寒徹骨爭得梅花撲鼻香

參假歸上堂云去去實不去途中好善爲來來實不來路上莫虧危山僧出外五六日恭惟頭首執事大眾尊慈各各萬福記得前晚在檀越家一陽將復未復之際桑林閒曠星漢寥廓幽懷頗愜不覺口拈半偈此夜月姝好輕雲薄似秋說猶未了只見大風從

撰述

地藏經卷一

七

西北來忽然一陣大雨轟兩箇霹靂未審此間還有
者箇消息麼有僧便喝師云爲汝徹困便下座
上堂古南箇村僧性燥多嗔罵佛法懶得說終日尋
人打打打士笑呵呵下士便驚怕怕怕怕好事
不出門惡事傳天下

上堂今朝臘月有八日老天小雨落不歇夜來不見
有明星釋迦眼睛知他徹未徹大地黑漫漫古佛無
處覓無處覓乾矢概貼秤麻三筋踏着秤錠硬似鐵
更有金沙灘頭馬郎婦露胸洗足天然別山僧恁麼
告報如將珍寶大車等賜諸子直至道場安隱快樂

且如何是頭正尾正底句卓拄杖云行船盡在把梢
人

上堂荒田無人耕耕着有人爭佛法無人說雖慧莫
能了荒田若也耕去有種有收有顆有粒寒來暑往
秋收冬藏若不爭又爭得若是佛法諸有智者要自
開解山僧切恐教壞人家男女從朝至暮行者任伊
行坐者任伊坐合掌時任伊合掌和南時任伊和南
何故無風荷葉動決定有魚行

聖節上堂古佛現身至尊示誕兜率宮坐蓮花臺人
間世握金輪寶明良會遇感應道交直得卿雲凝於

60123456789**70**123456789**80**123456789

中天瑞氣騰於八表山林朝野圓頂方袍悉稟威光
 發最上機沐無爲化徹大慧眼證金剛身且如何是
 知恩報恩底句傾心共祝南山壽垂拱煙塵萬里清
 壴旦擅越請上堂師云大年初一光風霧日好大衆
 自從威音王已前直至如今有佛世界無佛世界於
 中有不可說不可說日月不可說不可說歲數不可
 說不可說國土無不盡從者一日子流出直得皇風
 蕩蕩八表無垠野老謳歌萬方無極且有箇人出世
 恰好撞着者日子又如何旣承禮樂詩書後定作頂
 冠束帶人

解制上堂師云山僧臘月盡因病諸事謝高臥一狀
 間眼開無晝夜靠着木枕子斯須不放捨只憑爲說
 法不涉之乎者是名聲前句言思莫能寫一衆眼瞎
 瞒道我口如啞慙歎復三請逼說解制話山僧憫而
 笑葛藤復扯把不觀簷前竹聲聲掃屋瓦小雨潤如
 酥隔日復一灑春鳥籬外來飛鳴投保社東隣喫年
 酒醉後便嘶罵唱歌陌上童踏青王大姐塵說與刹
 說咄哉知音寡諸人倘未領自取棒子打頂門眼若
 開光燦四天下浮幢刹海濶着虫草鞋原是雙不借
 去去好好看脚下

撰述

竹書和尚譜錄卷二

三

上堂病僧一夏出在池上昨晚歸到院中晨鐘暮鼓
 鶴噪鴉鳴秋色滿庭蟲聲唧唧可謂圓通門大啓雖
 然夜來更有件奇特事告報大衆舊牀睡恰好舊薦
 多革蚤咬人一夜睡不着天明特地生煩惱參
 上堂供養百千諸佛不如供養一無心道人釋迦老
 子好與三十棒有一人長年不喫飯不道饑有一人
 終日喫飯不道飽百丈老漢略較些子便下座
 開爐上堂舉古云法昌今日開爐行脚僧無一箇惟
 有十八高人緘口圍爐打坐不是規矩嚴難免見諸
 人話墮直饒口似秤鉗未免燈籠勘破不知道絕功

勲妄自修因證果乃喝一喝云但能一念迴光頓脫
 三乘羈鎖師云古南今日開爐行脚僧來幾箇堂中
 柴炭絕無未許蒙頭打坐普請只要澆園簡點曾無
 話墮搬柴運水神通古人分明說破直須履踐純真
 切記撥無因果何故年來莽蕩禪和怕殺鉗鉗韁鎖
 且道法昌說底是山僧說底是珊瑚枝上兩行淚半
 是思君半恨君

上堂久旱逢甘雨今朝喜得晴雪珠拋一陣紅日自
 東生大衆紅日東生爍破四天下你諸人各各常光
 現前壁立千仞還證據得麼我要問你一文大光錢

買箇油資喫喫下肚裏了當下便不饑是何意旨良久云施食得長壽報喝一喝擊禪床下座上堂拋下拄杖云撲落非他物復擊起作舞云縱橫不是塵汝諸人還見山河及大地全露法王身麼復擊香几云一片榆楠木敲來響殺人

解制上堂上元正月半庭雪猶未泮日月燈明佛夜來曾合伴大步出山門向外尋燈看厨庫二門渾不曾纔行三兩步山僧喚伊一聲轉來他若瞽地回頭祇向道孟春猶寒途中善爲

萬壽山西堂長老請上堂僧問古人種松一與山門

作境致一與後人作標榜今日和尚將何作境致將何作標榜師舉拂云急着眼覲問談玄說妙埋沒宗乘尋佛覓心好肉剝瘡不涉兩途如何卽是師云葛藤窠裏出頭來進云無孔笛吹雲外曲剛然端的有知音師云者裏用不着僧擬議師以拂子打云速退速退乃云村院花殘春氣暄柔條擎綠柳含煙溪邊不住鐸聲響士女爭奔看快船復舉拂云看卽不無若向奔流度万疾焰過風處着得隻眼百草頭上薦取老僧也不難其或未然不免打葛藤一上人能弘道非道弘人達磨大師從南天竺來震旦直指人心

立地成佛不立文字一日索門人呈所見最後二祖慧可出禮三拜依位而立磨云汝得吾髓臨濟喫黃檗三頓痛棒向大愚肋下還拳後出世時見僧入門便棒入門便喝信知佛祖闡奧之中有轉物回天之用今日壽山^尼老與現前檀越請山僧陞座汝等隨着也出作禮三拜依位而立且道與古人相去多少若道別慧祖也禮三拜汝等也禮三拜有甚虧欠若道同因甚古人踴躍而去汝等臊腮龍門雖然達磨大師不入虎穴不得虎子末後道箇汝得我髓也是養子之緣若是山僧見伊作禮三拜依位而立勞脊

便棒

天童掃塔山翁和尚引座兩序大眾請上堂師云獅子窟中吼獅子旃檀林裏噴旃檀病軀無故來敦逼寶座高陞作話端還有識機宜知通變底不妨激揚僧問敲唱同時萬里之鈎齊放主賓互換縵天之網全彰打鳳羅龍卽不問如何是賓中主師云覲面不識如何是主中賓師云門外看取如何是賓中賓師云赤脚入紅塵如何是主中主師云當頭與棒進云賓主蒙師指未審同聲相應同氣相求一句作麼生道師云恰被道著進云恁麼則寒山撫掌呵呵笑拾

得點頭欸欸酬師云未到你在進云爭奈扶搖程九
萬水擊浪三千師便打乃云太白峰頭千差坐斷清
關橋下一脈常流雖爲列祖道場固是先師重扶家
業山僧昔與此會法乳親嘗今日重來墓木拱矣可
勝悽愴雖然須知恁麼中不恁麼砂盆未破堂構依
然幸我堂頭法兄寅夕不倦流慈於此方廣座上關
開面門放出先師形相與諸人描邈直得鉢盂峰點
頭玲瓏巖起舞正恁麼時敲唱雙行主賓互換且如
何道得恰好底句良久云妙舞會須誇徧拍三臺須
是大家催

復舉道吾遷化後石霜爲住持一日漸源擔箇鉢子
入法堂從東過西從西過東霜云作麼源云覓先師
靈骨霜云洪波浩渺白浪滔天覓甚先師靈骨源云
正好著力擔鉢子便出師云大衆明向上機有出身
句漸源石霜不忝同條若是正眼觀來猶帶之達祇
如而今法兄在座山僧持拄杖直上法堂若是先師
靈骨不用更覓何故面目現在

牧雲和尚語錄卷第一

五
五
靈

傳

△

牧雲和尚語錄卷第二

姑蘇西華山秀峰寺門人行瑋等編

明州高梧山棲真禪寺語錄

師在雪竇山受請入院至山門基云佛語心爲宗無門爲法門還有入得此門者麼顧衆云蛇無頭而不行

佛殿文殊騎獅子普賢騎象王釋迦老子坐寶華臺各自稱尊山僧旣入這保社未免也露些子神通展坐具云是甚麼

伽藍衛山門稟佛囑革故鼎新安僧護法總出者一

句子不得那一句臂肘不向外曲

祖師西來十萬程扭鼻建叢林堆堆冷坐只待知音
一片清光耀古今

方丈本分草料不順人情你若向背地裏點胸點肋
山僧也則眼如不見耳如不聞若是箇漢擬跳龍門
向者裏張牙露爪未免青天轟霹靂何故不入驚人
浪難逢稱意魚

上堂師至法座前拈疏云棲真古寺山海之交乃明
州靈輿之區爲龍象棲遲之處承衆檀護虔招住持
就曲彙木拈提法印我此法印爲欲利益世間故說

既然符到奉行敢避拖泥帶水遂陞座拈香飲衣就
座上首白椎云法筵龍象衆當觀第一義僧問昨日
雪竇山今朝棲真寺如何是棲真境師云山連桐焰
市如何是境中人師云我坐你立如何是人中境師
云有眼不見僧禮拜師乃云佛祖向上一機不可以
語言造不可以寂默通唯上根利智向未舉已前撩
起便行猶較些子若是遲三搭四扯葛藤不了不見
先佛出世說河沙數法門運悲智網撫人天魚逗到
靈山會上拈一枝花迦葉尊者破顏微笑卻道我有
正法眼藏涅槃妙心付囑摩訶迦葉廣宣流布無令

斷絕是後遞代相承達磨大師西來東土直指人心
不立文字一花五葉六代傳衣曹溪傳南嶽南嶽傳
馬祖馬祖傳百丈百丈傳黃檗黃檗打臨濟六十拄
杖直下翻身如獅子王哮吼自在如金翅鳥王劈海
直取龍吞凡見僧入門便棒入門便喝令行吳越至
今通都大邑遐陬僻壤無不知有此箇宗風卽如今
山僧入院海衆雲臻一人人頂門上輝大寶光初無
覆藏亦無向背縱使恒河沙諸佛出興於世逞盡伎
倆要且移易一絲毫不得若也信得及去脫灑自由
山僧也不行棒也不行喝多少省力其或未然六六

三十六九九八十一總不得離卻者裏何故擊拂子
云畢竟水須朝海去到頭雲定覓山歸

復舉保壽開堂三聖推出一僧壽便打聖云恁麼爲
人瞎卻鎮州一城人眼去在壽便擲下拄杖歸方丈
山僧試成一頌應箇時節生擒活捉絕遮攔廣大門
風孰敢攀淡日清秋滄海上一竿釣得錦鱗還上首
白椎云諦觀法王法法王法如是下座

小參若論此事如海濱人家取魚相似何也只因知
得大海中有魚故思欲取之乃生箇計較造箇船隻
扯起風蓬把定舵柄請箇熟海路底人爲了船師直

撰述

妙雲和尚語錄卷二

三

四

五

六

至大洋去處待等魚來一網撒去大魚小魚滿載而歸歸到家中市此海魚成家立業養子育孫受用不盡叅學人亦如是先要知凡夫身中決定有佛祖廣大靈明底大事如知大海中決定有魚不生疑惑若不先有此知則自己甘作凡夫了那肯修行因先有此知不肯自昧卽思叅禪急圖發明正如因知大海有魚思急欲取之相似既思叅禪乃卽生計較放捨世緣打起精進千里萬里覓訪知識親近善友求指示箇路頭旣蒙指示切切提持譬如取魚必依船師指導旣切切提持忽然於自己身中悟得佛祖底大

事正如從大海中取得魚也然後歸家保養成熟便可入廓垂手興隆法門上可以報佛恩德下可以啓廸將來受用亦無有盡雖然如是大海中豈無風浪豈無驚險然而不生恐怖一往直前者益取魚底念頭切也叅禪亦如是要圖發明佛祖大事也須不顧危亡不論境緣逆順一往直前無退轉志不愁佛法不到手也佛法雖是現成事若不如取魚樣子猛利一番如何到手故有志叅學人須自簡點我向來叅禪還能如取魚一樣急切否還能一往直前無退轉否在聚林中遇些小境緣能不驚怖不介意否若未

能相應則參禪之念頭不如取魚之念切佛祖大事
何能打徹既在海濱因說箇取魚底喻然此喻雖粗
若也細味極有鞭策

上堂佛身克滿於法界普現一切羣生前隨緣赴感
靡不周而恒處此菩提座旣佛身克滿於法界喚甚
麼作山河大地日月星辰旣普現一切羣生前喚作
羣生得麼大衆山僧隨緣赴感了也拍禪床云只是
者箇座子不會動着

天童老和尚忌辰巴陵三轉語將輕博重楊岐作女
人拜弄假像真山僧初住荒院適值先師三週忌辰

擬效古人之作逞箇伎倆祇恐塗汚先師幸蒙諸山
大德各出隻手采芳擷潔來薦時食山僧只得將他
人物以爲已有用展孝思大衆且道先師還來麼踐
其位行其禮爭道得箇不來若來以手指真云莫者
便是麼來不來且置只如山僧一期與者老漢結下
深冤憤憤悱悱成得箇甚麼邊事插香云曾經巴峽
猿啼處不是愁人也斷腸

上堂高梧山下棲鳳村前有一句子貫通佛祖該括
人天潮往潮來日新月盛當陽揭示溢目光輝直得
盡大地有情無情各各發菩提心入徧知海且道者

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

一句子得恁有力撥開華嶽連天秀放出黃河徹底
清復說偈云耕稼陶漁在海濱風帆順利往來頻忽
然到峯迴頭看同是靈山一會人

誕日上堂宗乘一唱三藏絕詮祖令當行十方坐斷
直得人天鑽研無路衲僧廻避無門縱使釋迦彌勒
到來也只得叉手當胸有如是威光有如是氣宇但
能頓歇馳求便領現成受用其或未然山僧開第二
義門重說偈言去也生而無生鏡裏之形無生而生
嶺上之雲往復無際隱顯難名忽卷忽舒全開全合
不可以智知不可以識識有時橫身絕巘有時爲霖

九垓要使盡大地有情無情若草若木上中下根盡
皆得潤所謂念世樂者教伊種福畏三界者開其滅
道樂獨脫者示以緣生住慳貪者勸其布施行非禮
者防其禁戒好嗔鬪者化以慈忍多懈怠者策其精
進常散亂者攝之禪定墮耑愚者誨其明慧乃至淡
情念者截其愛網願見佛者導其憶念敢問大眾還
識得者一片雲麼果若一肩荷負脫體無依便可蓋
覆天下人作陰涼去其或躊躇更資一路游江海涉
山川尋師訪道爲參禪自從認得曹溪路了知生死
不相關且如何是曹溪路目前無異草脚下好生看

下座

開爐上堂僧問棲真古寺選佛場開今日開爐如何是和尚爲人句師云猶待喫棒如何是學人得力句師云看脚下進云人人銅頭鐵額箇箇鼻孔遼天和尚又如何施設師云也須燬過乃云古道場憑新長老舊法堂改衆僧堂直得會聖會凡法筵大啓燬佛燬祖爐鞴弘開無論精金美玉鈍鐵頑銅一時將來入作管教經行坐臥常在其中南北東西無容浪走梧山未免痛下鉗錐朝打三千暮打八百要使一人頂門火星逆發徹體通紅光揚宗眼正恁麼時還

有漏網者麼驀拈拄杖云顧影乃爲良善馬躍爐多是不祥金

上堂昨夜西風號不歇遠近山頭都是雪朝來依舊日頭紅嶺上石人凍得皮膚裂下座

上堂年年臘月八午夜覩明星盡說佛成道剛迷已眼睛今年且喜別夜半黑雲生明星變作雨點滴到天明山僧恁麼告報衆中若有眼開心悟底便與二千年外釋迦老子把手共行其或不然此高梧峰便是雪山山僧便是釋迦老子我爲法王於法自在且爲諸人讖畫作夜指鹿爲馬依樣畫葫蘆去也驀豎

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

拄杖云明星現也復高聲云奇哉奇哉一切衆生具有如來智慧德相仍收杖云敢問諸仁迺來見箇甚麼到者裏智識有所不到言詮有所不及如何啓口雖然有因緣故亦可得說無上法王有大陀羅尼門流出一切清淨真如菩提涅槃及波羅蜜教授菩薩有耳共聞分明聽取

元旦上堂歲朝打起禾山鼓席帽元來是舊人絕壑陽和行令徧又看曆日一番新驀拈拄杖云山僧竿木也未免逢場作戲舉箇元正啓祚萬物咸新有棲鳳檀越乘此元日到寺燒香春白糯米作大油糍你

衲僧家喫得飽膨脹看山底看山看海底看海且道又承誰麻蔭野老不知堯舜力繫繫打鼓祭江神解制上堂今日上元時節社舞村歌不歇撥動祖師關捩盡把天機漏洩驀拈拄杖點云看看山僧拄杖子行平等慈現希有事爲諸仁者一一摩頂授記卓一卓云我見燈明佛本光瑞如此

上堂山花灼灼雨濛濛山面都如醉客紅情與無情佛性義分明一體露春風

嘉興梅溪禪院語錄

師在古南受請陞座舉僧問趙州白雲自在時如何

州云爭若清風處處閒師云趙州恁麼答話固是老作家爭奈出者僧問頭不得山僧夏間自棲真回此門如今從此間過梅溪雖則自南而北東應西酬要且無住持之絆何故擔荷大衆州中糴黃米白米自有監院有一文錢與你一片薑自有副寺山門頭接箇無回目漢自有知客又且表率紀綱分座訓徒自有首座暗地裏怕人撞着露柱自有知浴一盞燈法筵龍象衆當觀第一義自有維那山僧豈不是一枚閒漢或間不過拈須彌山作筆蘸四大海水向虛空裏寫箇祖師西來意只要書記隨身與我瞻真汝諸人各各照管腳跟輒不得動著

入院據室云八萬四千獅子座安置此室維摩猶少神通拈杖云看看盡微塵界從古至今如麻似粟天下老和尚無不在者裏納敗自餘衲子任是銅頭鐵額又向甚處走作卓一下云劄

師於是日開堂至法座前拈疏云毛錐子上言詞海金紫行中佛祖機當陽拈出勝義炳然有耳共聞分付維那宣過宣疏畢師指法座云須彌燈王如來爲人徹困了也覲露機鋒如同電拂還見麼更須撥轉上頭行途陞座拈香畢歛衣就座維那白椎云法筵

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

龍象衆當觀第一義師云若論第一義未白椎前七
 穿八穴已白椎後鍼劄不入觀得觀不得大家受用
 其或未然且聽葛藤僧問呈橈舞棹過鴛湖寶座新
 陞意氣多昔日老人無孔笛願師吹出太平歌師云
 囉哩囉哩進云無聲曲調驚寰宇有道威光照福
 城師云大家在者裏進云只如相國疏中云八萬四
 千獅子座何妨隻手擎來爲是神通妙用爲是法爾
 如然師云總不恁麼進云一千七百老婆禪只此一
 棒打去爲是凌壓古人爲是單提正印師云你且疑
 著進云恁麼則學人退身有分師云確乃一病骨嬾

如泥拈花事怕提剛然思退步招隱得梅溪雖然如
 是正覺無名相隨緣卽道場既然竿木隨身不免逢
 場作戲擐三玄戈甲明四喝家風主賓修其容人境
 安其位直道眉毛罅裏放出無位真人指爪甲間剔
 出楊岐驢子真機不昧寶藏全彰一剎那間頓超佛
 國一彈指頃普應含機水到渠成風行草偃平高就
 下奪食驅耕且收起者箇手脚敢問大眾正覺無名
 相喚作梅溪得麼既隨緣卽道場不喚作梅溪得麼
 如斯平實商量只要安寧家國巴歌雪曲賴有知音
 劲兩錙銖難瞞明眼山僧未免乘時將項上三百觔

鐵枷一時卸卻向者裏饑渴飲閑坐困眠自適去也忽遇其中人來時如何達簷竊喜多霜竹把手相期話歲寒

謝詞不錄

復舉趙州到雲居居曰老老大大何不覓箇住處州曰甚麼處住得居曰山前有箇古寺基州曰和尚自住取後到茱萸更曰老老大大何不覓箇住處州曰向甚處住更曰老老大大住處也不知州曰三十年弄馬騎今日被驢撲師曰趙州老漢心頭未悄然八十行脚無住處也得雲居茱萸乃是出格宗師因甚向虛空裏打効斗今日若問山僧但道數聲清磬是

非外一箇閒人天地間上首白椎云諦觀法王法法王法如是下座

冬至請首座上堂日南長至節届晝雲天心復見扶陽抑陰紫羅抹額繡裙腰甚生標致赫赤布裙無來替換家無滯貨不發所以烹金琢玉須資作者鉗鎚荷教扶宗全仗本色兄弟揮佛日於西垂回狂瀾於旣倒豈不是君子道長小人道消你大眾還見麼物宜求新樓前海棠花開卻一朶兩朶人宜求舊卽日堂中第一座少渠不得且阿那箇是第一座卓拄杖

云蘇州有

撰述

卷之二

十一

上堂仲冬二十五城樓打更鼓雞向五更啼湯天作
大霧孟夫子道雞鳴而起孳孳爲善者舜之徒也寶
誌公和尚道雞鳴丑一顆圓光明已久內外追尋覓
總無境上施爲渾大有不見頭也無手世界壞時渠
不朽大衆霜林葉落冬景蕭條作麼生見得不朽底
消息舉拂子云掬水月在手弄花香滿衣

上堂今朝臘月初一天道陰晴未必西風不肯發生
一夜簷頭雨滴壇中多少戒師走動盡要脚濕心中
無計可施只得大家著力禮拜長耳定光許做油糍
他喫佛也一時不靈徒自一番著急雖然著急中卻

有幾件好事一者令新學菩薩得知求法之艱二者
麥芽增長村翁歡喜三者城中施主忙裏抽閒來設
香飯直得湧山水牯牛水草俱足任運騰騰忘菅束
喝一喝下座

行受童子請上堂十方諸佛皆爲一大事因緣故出
現於世當初釋迦老子降生一手指天一手指地善
財童子出母胎時所有金銀琉璃碑磲瑪瑙珊瑚琥
珀七寶器中悉皆盛滿金銀琉璃碑磲瑪瑙珊瑚琥
珀須菩提尊者降生如上諸器中所有金銀琉璃碑
磲瑪瑙珊瑚琥珀悉皆不現是知當人分上從本已

來大寶藏原自具足隱顯同時開遮自在只緣向外
馳求遂致多生流浪今日不免挽佛祖之真風立人
天之標榜去也且如何是普利之句瑞草生嘉運靈
苗結早春

佛成道日上堂僧問世尊觀明星悟道未審悟箇甚
麼師云頭長三尺項長三寸乃云機輪轉處作者猶
迷寶鏡當臺物來斯鑑若也錦上鋪花去伯氏吹壠
仲氏吹簫同氣相求同聲相應若也據今直得三世
諸佛口掛壁上畢竟如何千古萬古黑湯漫填溝塞
塗無人會

復舉僧問鹽官國師如何是本身盧舍那國師云與
我過淨瓶來僧過淨瓶國師云卻安舊處著僧理前
問國師云古佛過去久矣師云者僧具箇問頭不妨
奇特鹽官信手把雲長公百二十劙大刀放他肩上
者僧也解擔荷只是走了兩三里便轉且道因甚走
不到頭舉拂子云只爲分明極讎令所得逞

上堂古者道有物先天地無形本寂寥能爲萬象主
不逐四時凋延一日以爲百刦促百刦以爲一日若
也促百刦爲一日去盡無邊杳水海無邊須彌盧無
邊佛土無邊虛空無邊世界無邊天地無邊日月夜

撰述

牧雲和尚語錄卷二

暗晝明春寒秋熱葛卓拄杖云無不向者裏驗取若也延一日爲百刦去桑田滄海弱水蓬萊仙人王子喬金剛無量壽復卓拄杖云無不向者裏流出所以趙州道諸人被十二時辰使老僧使得十二時辰諸人若也悟去便與古佛同參正恁麼時如何世外乾坤濶壺中日月長下座

牧雲和尚語錄卷第二

姑蘇西華山秀峰寺門人行瑋等編

虞山興福禪寺語錄

師在崑山雲在庵受請陞座僧問法無定相遇緣卽應如何是卽應底法師云焦磚打著連底凍問師登猊座演唱宗乘顯臨濟於七百年光天童於鹿城界如何是顯臨濟師舉拂子如何是光天童師云一槌兩當如何是和尚親切一句師云脚跟下更待喫棒乃云十年海上覓冤讐不得冤讐誓不休芍藥花開菩薩面棕櫚葉長夜叉頭大衆古人打初行脚無不

氣衝牛斗及乎逗到下梢瓦解冰消博得一場好笑
 山僧憶自癸亥歲辭卻故山也學行驢脚馬腳欲覓
 法王大寶貴圖生死中得箇受用從是若昏若迷似
 醉不醉似醒不醒東撞西磕年深歲久竟成東西南
 北之人熟處都忘卻了也昨晚鶴師兄到來道本山
 諸護法道汝久離故鄉深以爲念山僧不覺猛省大
 衆佛法提唱全在時節因緣此其時矣既然符到奉
 行山僧不免向山光潭影撒箇風顛去也亦有小偈
 敢請證明行脚區區二十年業風吹過海南邊而今
 又唱還鄉曲河水漣今好放船且如何是解纜一句

待到破山時與諸人說破

入寺指山門云石橋東鎖古澗西來佛祖門戶今古
 洞開還見麼祥麟及瑞鳳盡入此中來
 佛殿三面好山中一所空王殿喝退麻三筋打開乾
 尿橛甚處與古佛相見以坐具作圓相云交
 伽藍古寺高林仰惟垂護潭影山光左鑒右顧且顧
 箇甚麼千年常住一朝僧剔起靈峰照夜燈

祖師少林風月百丈典刑千百年來原來有人知在
 是那箇插香云六耳不同謀

洞聞和尚覺堂娑羅林中辭去百城煙水南詢未後

成箇甚麼還家盡是兒孫事。祖父原來不出門。
據室金剛圈拋來任你跳得栗棘蓬刺來。儘你吞得
山僧尚有三十棒在。何故臨濟門下令不虛行卓拄
杖一下。

開堂師至法座前拈護法疏云。雅思淵才佛心祖印
一槌兩當錯落光輝要令四衆普聞更煩維那宣過
宣疏畢指法座云此箇寶華王座列祖共陞利生接
物尋常也不容易構得今日相逼到此如何廻避從
來無二路且踏上頭行遂陞座拈香云此一瓣香自
威音王前分種於娑婆界騰馨起處成煙結時成篆
散而爲清涼雲充潤枯槁合而爲光明臺照耀天地
奉爲靈鷲拈花始祖釋迦文佛大和尚破顏微笑金
色頭陀直下相承西天四七東土二三南嶽出馬駒
踏殺天下人黃弊囑臨濟一宗大行於世楊岐正脈
瞌睡虎祇獲一麟坐斷死關上林算許窺半鼻近至
寶峰梵絕無聞笑巖龍池老祖遡流尋源普熏鼻孔
此一瓣香顯密同道逆順難思奉爲有佛以來竺乾
震旦擁護正法天魔外道聖主賢臣今日在筵宰官
居士遠近檀越前住此山發我本因洞聞和尚伏願
主盟斯道鼓舞羣機於去來今常得奉覲此一瓣香

埋根深遠拋擲多年化日春風先蒙披拂雷霆霜雪
 大受折磨正眼憤然頓開皮膚自慚脫盡一期敗闕
 不敢自謾浙西浙東已曾舉揚今日虞山乃是第四
 回拈出奉爲前住寧波府天童山本師密雲悟和尚
 用酬法乳之恩歛衣就座上首白椎云法筵龍象衆
 當觀第一義師云第一義著眼覩本是山中人卻從
 門外至說一不是說二又非衆中有辨得賓主句底
 烙僧試出相見僧問興福高僧地山幽林木叢四圍
 麟鳳集和尚在其中如何是和尚出身路師云上是
 天下是地進云某甲則不然師云你作麼生進云經
 行及坐臥常在於其中師云你做念經僧也得僧禮
 拜師云醜問如何是興福境師云門前黃葉落如何
 是境中人師云橫來豎去問獅子未出窟時如何師
 云閉卻口獅子已出窟時如何師云莫嚇我出與未
 出時如何師良久僧擬議師云速退速退問同聲相
 應事如何師云大家出手千變萬化事如何師云莫
 作野狐精問人天集會選佛場開祖令高提法雷普
 震正恁麼時還是臨濟賓主曹洞君臣師舉杖云試
 分析看又僧問和尚說法法從何來師云從天降從
 地湧進云三十年前得者一句師便打僧喝師云你

者一喝從甚處來僧便走師又打云只者一喝尚不知來處有僧出云二十餘年返故鄉破山說法利人長不是一番寒徹骨爭得梅花撲鼻香某甲不敢多問師便打云我也不多答你乃云齊梁古刹我邑名藍有佛無佛性相當住未有虛空未有世界未有日月早有奇特事及乎虛空已生世界已起日月已象寶刹已彰生佛已分此奇特事亦隨之而現初日高林山光潭影或制毒龍或馴乳虎或明教觀或凜木叉各逞神通分河飲水撞著箇無知老漢到者裏一時坐却如獅子王遊行自在如大香象擺脫韁鎖雪

頂龐眉卻如嬰兒之行口喃喃地每日東廊下行西廊下走問禪不答問道不會不妨真實相爲只是如暗中五色無人辨得山僧其時連得些子氣息虎生三日氣便食牛浙江江西台山閩嶺一往直前似箭離弦無返勢及至山窮水盡弓折箭盡此奇特事影也不見今日還山說箇甚麼卽得若說安心懺罪分皮分髓菩提無樹明鏡非臺同源圓相境致差別三更不借夜明簾紅旗閃爍五逆聞雷盡是已前大宗師拈出了也殘羹餽飯豈可向明眼人前簸弄畢竟如何是到家一句卓拄杖云曲徑通幽處禪房花

撰述

牛皇和尚詩集卷三

五

木濱謝詞不錄

復舉臨濟初至河北住院見普化克符二上座乃謂
曰我欲於此建立黃檗宗旨汝可成褫我二人珍重
下去三日後普化卻上來問和尚三日前說甚麼
濟便打三日後克符上來問和尚昨日打普化作甚
麼濟亦打師云大衆河北正宗機如掣電克符普化
當場不戰陣後興兵要成褫臨濟未得在山僧今日
欲於本山建立臨濟宗旨忽有箇衲僧見義勇爲單
刀直入上前云和尚道甚麼山僧劈脊一棒或有第
二員衲僧上前云和尚適來爲甚打者僧山僧也劈
脊便棒且道與臨濟大師相去多少驀拈拄杖云棒
頭有眼明如日要識真金火裏看維那白椎云諦觀
法王法法王法如是下座

當晚小參舉龍牙偈云天下名山到因脚辛苦年深
與襪着而今老大不能行手裏把箇破木杓師云龍
牙是洞山會下尊宿只爲破木杓不能放下雖則誇
經賣紀要且有年無德山僧則不然天下名山在雙
脚辛苦窮途無襪着而今思憶轉傷神手裏空空無
木杓旣無木杓將箇甚麼接待諸人今日人事煩倦
要睡去留與諸人啗啄

上堂出山髮尚青還山齒半落入門仔細看青山宛如昨黃葉打頭來高林風索索馳騁不知休當初悔行脚昔日梵志出家白首而歸隣人見之曰昔人尚存乎梵志曰吾猶昔人非昔人也隣人皆愕然非其言大衆隣人只知百年一身不知念念遷變新新不住梵志雖知當體無常有變有滅不知有不變者存於出家法中尚欠一著且如何是不變者死生老病非他物渴飲饑食祇舊人下座

開爐上堂僧問凡聖雲臻爐燄交輝向上宗乘請師直指師云今日暖如昨日乃云聲前一句堂堂普覆

大千娘生面目箇箇眉毛八字九旬結制無端畫地爲牢十月開爐也是冷處著把火爲山水拈慎莫擺尾搖頭臨濟瞎驢且恁隨羣逐隊萬戶俱開卽不問萬戶俱閉且道堂中事作麼生閒庭不啻天花落衲被蒙頭正好休

上堂今日初一法鼓大擊召請諸人兩堂齊出長老接到座前佛法要且沒得爲甚如此乃靠法几云不見道推車撞壁回顧云還有入頭者麼復展手云胡餅裏討甚汁

上堂南斗六北斗七本分事無階級十字縱橫本現

撰述

物語利説詩卷三

成穿城入市有何別汝諸人休外覓演若尋頭幾時
歇流光如箭急

上堂僧問達磨西來別傳箇甚麼師云眼裏瞳人僧
擬議師云更莫別求問玉兔半升何不自照師云水
不洗水乃云仲冬十一月霜風寒凜冽普請去出坡
腳皮凍敎裂寒則普天普地寒熱則普天普地熱只
如須彌頂上下一椎金剛脚下流出血且道是何宗
旨喝一喝

上堂僧問紅日和風陞法座慈雲法雨意如何師云
心不負人面無慚色乃云三八廿四四六廿四顛倒

數來曾無差次無差次喚黧奴白牯作黃頭碧眼也
得喚黃頭碧眼作黧奴白牯也得凡聖一源性相平
等誰是久參誰是初學直得鄉裏佛城裏佛山裏佛
接袂摩肩清淨身圓滿身應化身見頭露面婦搖機
軋軋兒弄口嚙嚙酌水獻花燒香禮拜太煞分明太
煞伶俐祇如老洞山非佛蹟山非枯樁又且如何商
量卓拄杖云欲窮千里目更上一層樓

冬至上堂僧問冬至一陽生如何是和尚滋培萬物
底意師云作養你不少乃云羣陰極處一陽生魯史
書雲舊所稱至化無私天地應愛看紅日曉窗橫正

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

恁麼時律管吹葭冷灰豆爆佛法世法一片打成直
得萬象盡甦舊容衲僧頓開寒面大眾冬行春令則
且置入鄺垂手一句作麼生道方外乾坤空芥石壺
中日月轉蓬瀛

李曉令居士至以古圖章供師上堂舉雪竇云客從
遠方來遺我徑寸璧中有四箇字字字無人識佛鑑
拈云客從遠方來遺我徑寸璧中有四箇字不必重
拈出高峰老祖拈云客從遠方來遺我徑寸璧中有
四箇字字字無平仄師云山僧當時讀魯論子夏問
逸詩素以爲絢兮何謂也夫子答云繪事後素以此

觀來三大宗師提持徑寸璧美則美矣只是俱向文
言上走大似忘本逐末致使美璧成瑕山僧今日平
欺古人亦有一偈客從遠方來遺我徑寸璧中有一
箇字信從雕琢出拈起圖章云大眾還見完璧麼復
拍一下

上堂僧問藏鋒句作麼生道師云塞卻口進云除卻
棒喝機鋒和尚又如何祇對師云太平難遇乃云昨
日冬至過君子道已長今朝命陞座抓著山僧痒衲
子上前來一一當面點耳朵祇一雙眼睛只有兩古
人道此眼若開山河大地明暗色空草芥人畜洪纖

長短初不見有毫釐之相然雖如是僧有刺義山僧更念箇補闕真言此眼若開僧堂佛殿厨庫山門燈籠露柱無不是當人真實之體所以諸佛出世只覓通人祖師西來特求向上到者裏撞著德山臨濟當頭一棒劈面一喝又且如何莫怪從前多意氣他家曾踏上頭關

復舉僧問雲門一切智通無障礙時如何門云掃地潑水相公來師云雲門是作家宗師答者僧話不妨奇特只是但了得門頭事假若相公旣來室中商量箇甚麼卽得禪房同坐臘竹徑共論心久立珍重

上堂僧問如何是佛師云眼深鼻大乃云白雲最深處古寺發源長日高僧未起風大鶴先翔臘暖山無雪夜寒天有霜古者道欲識佛性義當觀時節因緣者箇是時節若也識去祖師西來意不用別商量陸哉生檀越請上堂僧問青天白日喚甚麼作第一義師云青天白日進云和尚莫隨境轉師云卻是閻黎顛倒進云白鶴鳴霄遠青山遙澗幽師云又恁麼去也問文殊是七佛之師爲甚麼出女子定不得師云正要汝恁麼問進云罔明是初地菩薩爲甚麼卻出得師云水長船高乃云靈山話月曹溪指月今日

撰述

妙言和尚詩錄卷三

山僧依樣畫月，遂引聲云哉。生明既生，魄歲月知過。
 幾千百時人，剛道有虧盈顯晦。何嘗一絲隔，清光偏
 界本無藏。圓滿一輪非白黑，所以盤山道心月孤圓。
 光吞萬象，光非照境。境亦非存，光境俱忘。復是何物，
 洞山道光境未忘。復是何物？大衆盤山老子且放過。
 一著祇如洞山恁麼，道意在於何卓拄杖一下。

嚴髻珠居士請上堂，釘一捉二拏三道四換斗移星。
 旋天轉地夜來狂，風大作門開戶響。山中一草一木，
 盡作獅子吼。轉大法輪汝諸人，於此薦得便見修。
 主道欲識解脫道，諸法不相到眼耳。絕見聞聲色，鬧

浩浩見聞既絕，風聲樹聲且道向甚處著聲色。鬧浩
 浩是有過無過，在明眼人一點也瞞他。不得向者裏，
 斬絕情解赤體承當。手擎仲尼日月腰佩佛祖靈符，
 居有爲界示無爲法而不住。有爲之相契，無爲心修。
 有爲事而不坐，無爲之牀。於險惡道中爲津爲梁，善
 法堂前現寶。現主演一義，斬釘截鐵使一切人盡塵
 沙劫撲不破。垂一機，疾談過風縱十影。神駒一蹴千
 里也，趕不上于此扶豎刹竿于此贊揚宗旨于此尊。
 尊于此親親以形骸爲逆旅，以生死爲晝夜。以日月
 爲明燭，以虛空爲化境。出生入死等閒作箇游戲之。

世說

拾遺集卷之三

場敢問大衆只今青山大曉兩眼共開且道故檀越
三孺人向什麼處安身立命團團共住蓮花頂垂手
橫身刹海中

復舉郭功甫到白雲白雲上堂云夜來枕上作得箇
山頌謝功甫大儒廬山二十年故舊今日遠訪白雲
舉似大衆請已後分明舉似諸方此頌豈惟謝功甫
大儒直要與天下有鼻孔衲僧脫卻著肉汗衫莫言
不道乃云上大人丘乙巳化三千七十士爾小生八
九子佳作仁可知禮也師云大衆山僧在山時與髻
珠居士有方外之契一別多年夜來特承相訪只爲

生平不文不能如白雲端禪師枕上作箇好頌且道
將甚麼謝髻珠居士二十年之舊還會麼趙州茶點
印州碗寒夜燈前語話長

上堂喜鵲簷前噪檀越入院來打鼓陞堂也青山笑
臉開聽者挨肩並足說者鼓舌搖唇要會西來祖意
直須手辨眼親若以色見我以音聲求我是人行邪
道若見諸相非相卽見如來雖然如是猶涉化門未
曾動著祖師關捩且如何是祖師關捩驀拈拄杖云
鴛鴦繡出從君看不把金鍼度與人

上堂僧問明星悟道意旨如何師云一人傳虛萬人

傳實乃云白鼠自推遷銀臺原不變自有天地來日
月如是轉南山松柏青東海珊瑚炫釋迦老子太癡
生埋頭剛待明星現末上道箇奇哉奇哉一切衆生
具有如來智慧德相但以妄想執著而不證得據款
結案也似壓良爲賤且曲不藏直一句作麼生道驀
豎拳云總來共是娘生手看取光明放兩拳。

上堂靈鷲拈花帶累金色頭陀九年面壁賺殺神光
大士若是大丈夫漢不拘格式不躡前蹤道一句塞
破虛空垂一機平欺佛祖只如路逢達道人莫將語
嘿對又且如何山林魏闕曾無間正眼當陽共密弘

上堂僧問如何是一喝如金剛王寶劍師云退身三
步如何是一喝如踞地獅子師云歛歛坐著如何是
一喝如撲竿影草師云我知你問處如何是一喝不
作一喝用師云直須參始得乃云山中久不雨連日
細濛濛地種生歡喜青青入眼中無論三草二木一
雲所雨稱其種性各得生長祇如無陰陽地上滋培
得箇甚麼果子良久云瑞草生嘉運靈苗結早春下
座

上堂舉唐州紫玉山道通禪師因于頓相公鎮襄陽
殺戮甚重一日入山問如何是黑風吹其船舫漂墮

羅刹鬼國玉曰于頓客作漢問恁麼事作麼于公失色玉乃指曰這箇便是漂墮羅刹鬼國公又問如何是佛玉喚相公公應諾玉曰更莫別求藥山聞曰意可惜于家漢生理向紫玉山中公聞乃謁見藥山山問曰聞相公在紫玉山中大作佛事是否公曰不敢乃曰承聞有語相救今日特來山曰有疑但問公曰如何是佛山召于頓公應諾山曰是甚麼公于此有省師云二尊宿一人援溺濟饑一人驅耕奪食雖然各露手脚就中要妙你大衆還知麼山僧向來也只道于公是箇殺人不眨眼底漢近日子晉居士入山見一枝紅

惠我謝康樂十世孫皎然杼山集有于公序文冠首發揚詩秘直是風流儒雅信知佛法文章須讓英靈人擔荷且道他悟處又作麼生試聽一頌煙濛濛又雨濛濛谷口溪橋過幾重臘月春風猶未暖隔牆窺見一枝紅

尋劍者一隊漢拘直作曲太不唧噭祇如不落功勲
如何卽是本來無位次不用強安排

復云今朝臘月廿有六紅日團團照溪谷諸山大士
道來不來兩堂牯牛東觸西觸普請遲了八刻山僧
大發嗔毒只爲昨日太少今日補其不足澆園完了
回來臭氣尚在衣服又復團團法筵相親宛同骨肉
豈可冷了戲場且唱雲門一曲敢問大衆者一曲從
何處起驀拈拄杖云依稀似曲纔堪聽莫被風吹別

調中

除夕護法入山上堂空山寂歷歲云徂手拾松枝向

地爐聞道官星臨四座頓然春色滿庭蕪風虎雲龍
坐愛僧兮游方之外食功食志果然道也祿在其中
大道平平飲食不異汝諸人于此桶底脫去可以張
無盡燈爲不請友覺胤蕃昌子孫逢吉祇如須菩提
乞食維摩居士云汝若謗諸佛毀於法不入衆數終
不得滅度汝若如是乃可取食意作麼生本是同鄉
人細說同鄉話

元旦上堂一年三百六十日今朝又是起頭時世運
循環無日了山光千古只如斯爆竹連宵寒臘催猶
未盡梅香在樹春光早已送來村里換桃符兒童添

喜色新年頭佛法可煞現成舊店面生涯重新做起
願祝謳歌擊壤同遊霽日光風正恁麼時百卉抽芽
萬物情動應時納佑畢竟承誰恩力卓拄杖云一氣
不言含有象萬靈何處謝無私

檀越送法衣至上堂諸佛榜樣列祖家風大慈悲爲
室柔和忍辱衣諸法空爲座旣登此座必披此衣迦
葉捧歸雞足山待彌勒下生竟作滯貨盧老藏歸大
庾嶺拋出石上也大放愁爭如今日畦相分明溝塍
宛轉金鍼玉線結角羅紋直下現成通身光彩祇如
遙代相傳承先啓後永遠傳持畢竟有何利益還會

麼和風甘雨乘時布祖印禪燈徧界輝

上堂一二三四五六七斗牛女虛危室壁開卻新年
順數來今日分明是人日大衆還識人與日廡若見
得日去三世一時無來無去見得人去盛衰一致無
減無生乃舉拂云看看過去諸佛現在諸佛未來諸
佛俱向拂子頭上現身說法各人從本爺娘俱向者
裏聽法受法忽若千眼頓開便好萬緣放下其或未
然復擊拂云萬古碧潭空界月再三撈攬始應知

立春上堂正月建寅中澣立春昨日縣中千門萬戶
大家看春人叢叢馬踏踏兒童拍手野老歡呼春宴

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

家家酌春酒春鞭下下打春牛山僧自在白雲邊不曾紅塵事爭奈鳥送新聲草含生意梅香撲鼻柳眼放青靜喧雖異春意相同未免也發些春興只爲沒得春看上單一夜睡不著只管想且道想箇甚麼想那一隊打春牛的不知那箇打得著那箇打不著大衆還會麼驀拈拄杖卓云出羣須是英靈漢敵勝還他獅子兒

上堂舉木平問洛浦一漚未發時如何浦云移舟諳水脈舉棹別波瀾師云古人恁麼答話雖則啐啄同時若是一漚未發已前敢保未夢見在今日若有問

山僧祇向他道晴湖平似鏡不礙往來看

解制上堂僧問如何是諸佛出身處師云簷前雨滴聲乃云今朝是上元聖制已告圓五湖雲水客各辦草鞋錢雖然如是路上忽有人問新興福有何言句又且如何若也答得不妨與病僧添箇光彩其或未然縱饒踏遍四天下到底難辭拄杖頭

上堂雨下地上濕天晴日頭出分明一段事今古原無隔但恁麼去折旋俯仰無非本地風光秋熱春寒不失本來面目坐斷報化佛頭一任天來龍來神來鬼來魔來佛來百千萬境一時來總不能動得者箇

撰述

物語和詩卷之三

喚做乘金剛心披忍辱鎧駕大白牛入妙莊嚴路直至道場利有攸往且如深山古寺山門向南開去者去來者來畢竟有何祥瑞夜來春雨過石上長新泉上堂累土爲山積流成海聚毛成毬湊花成錦于佛法中成得箇甚麼邊事石霜問鴻山百千萬粒從一粒生未審者一粒從甚麼生鴻山老子呵呵大笑若人知得此老子一笑落處便可向紅塵堆裏鬧市叢中將無米飯供十方僧且如何是究竟一句但願年年蠶麥熟羅睺羅兒與一文

上堂隔山見煙便知是火隔牆見角便知是牛隔簾呼茶便知有客此三句語是決定法具決定義于中還著得些子疑麼若云著得難瞞三尺童子旣著不得南天台北五臺討甚麼碗

上堂舉藥山久不陞座寺主白云大衆久思和尚示誨山云打鐘著寺主打鐘大衆雲集山便歸方丈主隨後自云和尚許爲衆說話何故一言不措山云經有經師論有論師又爭怪得老僧後來翠巖芝和尚云寺主怪藥山不爲衆說話可謂悞他三軍密庵老祖云翠巖只具一隻眼殊不知藥山歸方丈便是勞他三軍師云二大老雖則盡力扶持藥山也只具一

隻眼殊不知藥山寺主一人運籌帷幄一人決勝千里雖然藥山但知與麼去不知與麼來若是病僧歸方丈見寺主恁麼問但向他道向下文長付在來日

牧雲和尚語錄卷第三

牧雲和尚語錄卷第四

姑蘇西華山秀峰寺門人行瑋等編
再住虞山興福禪寺語錄

入山上堂若論此事如大將出師紀律分明行伍有序擊首則尾應擊尾則首應擊腹心則首尾俱應所以山僧向鴛鴦湖邊擺棹卻在破山寺裏踏歌破山寺裏踏歌卻在鴛鴦湖邊喝采旣無彼此心不落來見標一月而百川俱應舉一綱而衆目齊收只如今水靜山空天清氣朗祖翁田地廓爾頓彰大眾同氣相求同聲相應則且置如何是膠漆相投句與君

一夜話勝讀十年書

重陽上堂九月重陽節風俗愛登高登高必須山登
山須到頂而今時節祖庭秋晚叢社凋零求箇到頂
底絕少你須知得上山路也得若知得上山路不向
中路止息要到頂也不難設或連上山路也不解儘
你將常熟山繞百匝千匝千年萬年每日只見撞牆
撞壁又焉知宇宙之寬天地之大而今一衆幸同在
山中上山路最近遂拈拄杖指云若解葛直去便可
傲睨天外同賞重陽其或未然遙知兄弟登高處徧
插茱萸少一人

開爐上堂僧問馬祖一喝百丈三日耳聾保壽令行
鎮州一城眼瞎如何是破山斬新條令師便打問九
旬禁足三月安居結制開爐聖凡陶鑄如何是滴水
流於巨海片雪點於紅爐師云再念來看僧復理前
問師云不唧噭漢問把住則黃金失色放行則瓦礫
生光放行則不問如何是把住底意旨師云無你走
作在進云忽遇箇衝關奪陣底又作麼生師云且喜
你是箇草賊僧便喝師便打乃云一冬又一冬衲子
閻叢叢病僧無法說只倚一枝筇藜卓三下云若有
箇漢向者裏領脫而出千門萬戶一踏而開便可廓

三玄門握三要印魔外望崖而退同風千里知音祖
師關捩既明生死根株截斷不妨向逆順境界中力
扶祖令高建法幢末路逢人名山生色且如今日開
爐作麼生是暖氣相接句三箇柴頭品字排不用援
毫文彩露

時有護法入山復舉王常侍一日訪臨濟同到僧堂
內常侍曰者一堂僧還看經否臨濟曰不看經常侍
曰學禪否臨濟曰不學禪常侍曰經又不看禪又不
學畢竟作甚麼臨濟曰總教伊成佛作祖去常侍曰
金屑雖貴落眼成翳又作麼生臨濟曰我將謂你是
箇俗漢師云臨濟大師一條拄杖尋常打風打雨因
甚到常侍面前折卻山僧今日結冬承諸縉紳護法
見過倘入僧堂問者一堂僧既不看經又不習禪畢
竟作箇甚麼山僧祇向道生不願封萬戶侯但願一
識韓荊州且道還扶得臨濟大師也無飲泉水貴地
脈要知河北小廝兒等閒只是白拈賊復卓拄杖一
下

上堂僧問如何是生師右舉拂子如何是不生師左
轉拂子如何是生不生師倒轉拂子如何是不生不
生師收卻拂子問大庾嶺頭因甚提不起師云只爲

手短僧便喝師云你卻口長乃云向上一機語言莫
構金剛正體生滅全真來來去去絕階梯歷歷明
無向背坐斷情塵意想開遮本地風光乾爲父坤爲
母萬世如今冬日蒸秋日嘗孝思無數昔日波斯匿
王爲其父諱日管齋請佛宮披諸羅漢同飛錫杖今
日源元居士爲親忌辰入山修供諸衲子共擎鉢盂
遠近雖分時節不異山僧乘此因緣大作佛事將諸
上座一時召至座前放出南山鰲鼻葛擴拄杖云還
有向蛇頭揩痒者麼良久復摩挲云全身屈曲從吾
弄冷口傷人幾箇知

上堂終日忙忙那事無妨出山舉火歸寺上堂總要
牽筋動骨那管身瘦面黃思量古人說話大半強作
主張雖然如是金不博金水不洗水爭奈坐在飯籠
裏一隊漢終日叫饑作麼生醫治良久云仲冬初一
日霜葉響千林

上堂戰馬聽鑼聲族族通身痒臨濟喫拄杖山河齊
合掌好事不瞞人裁成憑郢匠拈拄杖旋轉云山僧
運斤也諸人試摸鼻孔上還有一點泥也無復卓拄
杖云多虛不如少實下座

冬至上堂春夏秋冬四時成歲盈虛消息動靜翕張

撰述

物雲和尚詩卷四

一陰一陽之謂道陰陽不測之謂神若在衲僧分上
踏破虛空不留朕迹拽回鼻孔萬彙齊彰若也不留
朕迹去河出圖洛出書早爲多事若也萬彙齊彰去
書五雲添一線且恁隨波正恁麼時地雷旣復天心
已現如何是冬來受用底句命僕安排新暖閣呼童
熨貼舊寒衣下座

上堂乾坤之內宇宙之間中有一寶秘在形山肇法
師只行得一步兩步未能七跳八跳雲門大師道拈
燈籠向佛殿裏將三門來燈籠上雖則氣宇如王也
只到得者裏二老漢且置敢問此寶只今如何指點
海神知貴不知價畱與人間光照夜

復云仲冬寒氣至北風寒凜冽愁多知夜長仰觀衆
星列溪山病比丘最怕此時節一夜在牀眠兩脚不得熱雖非多年布衾冷如鐵縮項嗟吁幾曾歇天明
檀越有齋來有口難嘗苦脾泄苦苦沒處躲苦中
樂樂中苦謹白參玄人光陰莫虛度

上堂佛法要妙無念爲宗無住爲本旣無住爲本脚
跟下轉轆轤地無一絲毫罣礙若以無念爲宗脫出
情塵意想不立玄妙功勲到者裏便見是法平等無
有高下山是山水是水僧是僧俗是俗無不覩體全

真更若轉向那邊山不是山水不是水僧不是僧俗
不是俗萬靈莫能仰視千聖齊立下風只如末山尼
道不是神不是鬼變箇甚麼意作麼生矮屋朝陽寒
氣少疎籬種菊晚香多下座

上堂僧問恁麼恁麼處處綠楊堪繫馬不恁麼不恁
麼家家有路透長安恁麼不恁麼且置正到家一句
作麼生道師云水長船高乃云古佛心宗正法眼藏
把住則壁立萬仞放行則錦上添花大人具大見大
智得大用若言大見如天普蓋似地普擎盡十方世
界森羅萬象洪纖長短綿綿不漏絲毫若大用將去

如大鵬劈海水擊三千神鯢圖南風扶萬里有如是
勝相有如是奇特恁麼也得不恁麼也得穩坐家堂
恁麼也不得不恁麼也不得高超物表祇如林下相
逢大家知有一句作麼生道祇園不藉春風力朵朵
爭開薈蕪萃

復云一日兩上堂打鼓普請看有感必應赴主賓已

互換側耳有呆僧饒舌有病漢木馬喜追風石人挨

出汗以拄杖指云看看寒梅已放青山畔

上堂虛空無邊故般若無邊色無邊故般若無邊從

上古聖無不以虛空爲正體般若爲妙用著生爲赤

子其來也木鐸斯世其往也過化存神極其本源不動不變所以漸源爲侍者隨道吾往檀越家弔慰漸源曰生耶死耶道吾荅云生也不道死也不道諸人還會麼禹力不到處河聲流向西

上堂連日霧冥冥山中雨不停瓦櫺兼雪響側耳盡皆惺其或一塵翳天纖芥墮地好箇佛境界被物所轉記得文殊師利詣毘耶離問維摩詰居士言生死可畏菩薩當何所依維摩詰荅云當依如來功德之力大小居士祇見一邊不見夾山與定山行次夾山曰生死中有佛則不迷生死定山曰生死中無佛則

無生死二老漢如馬前相撲一期弄險畢竟如何八角磨盤空裏走他家自有通霄路

上堂古者道參頭問訊大似無端侍者拈香早成多事恁麼提持七佛已前也未有者箇消息與麼與麼水膠三尺不與麼不與麼春發千林所以過量人有過量用直下轉塵勞爲佛事化荆棘爲旃檀履險若夷騎聲蓋色不勞彈指樓閣門開全憑此箇威光游戲文殊普賢大人境界推此爲戒則雖過絕非推此爲定則八風莫撼推此爲慧則照了諸相悉皆空洞然而卷舒在我朕迹不留所以昔日裴丞相與黃檗

撰述

物雲和尚詩錄卷四

七

道契一日置一尊佛于黃檗前曰請師安名檗遂呼裴公名公應諾黃檗曰與汝安名竟裴公一問如金博金黃檗一答如水投水諸人還見二大老麼良久云高山與流水一曲在知音

復云臘月初一高林日出同道入山道存目擊蘇學士山色藏身黃太史桂香撩鼻不是心不是佛不是物千里同風明如日黑如漆和盤托出靈山一會豈迢然千古風流在今日卓拄杖一下

心月新戒請上堂僧問如何是戒師云零零落落如何是定師云水浸石頭如何是解脫師云卸下衲衣

來進云昔日高沙彌不受五戒今日某甲登壇今古之間還有優劣也無師云好攀仰進云正要和尚證明師云高沙彌未肯點頭在問如何是佛師云不因多年病面帶黃金色如何是法師云舉頭三尺有神明如何是僧師云一頂袈裟撩亂披僧禮拜師云好三轉語只是無人會得問如何是金剛王寶劍師云一斬頭落如何是踞地獅子師云你還畏他麼如何是揆竿影草師云未入門時早知你納敗如何是一喝不作一喝用師打云正要你問到這裏問三十夜裏月圓圓是誰境界師云那裏得者消息來問忘記

撰述一

妙香山譜錄卷四

話頭時如何師云猶掛唇齒在僧便喝師便打乃云
禪債說不完今日趁天暖山梅有早開谷口香漸滿
打鼓集諸人當陽細打算禪禪洞山五位臨濟三玄
禪禪杖林山下竹筋鞭新婦騎驢阿家牽禪禪五臺
山上雲蒸飯佛殿塔前狗屎天此一隊老凍膿雖各
搖唇鼓舌都來未得諦當畢竟如何馬祖庵前一片
磚知他磨過幾多年

復舉盤山上堂心月孤圓光吞萬象光非照境境亦
非存光境俱忘復是何物保福問長慶慶良久福云
情知你向鬼窟裏作活計慶云汝又如何福云兩手

扶犁水過膝師云保福長慶共是作家宗師一人相
席打令一人醉後添盃可惜好話祇是欠圓破山見
處也要諸人共知盡駭新張祿誰知舊范睢

上堂僧問釋迦老子未出母胎度人已畢爲甚又覩
明星悟道師云要換你眼睛問拋磚引玉事如何師
云放去收來進云恁麼蟻娘眼裏盛大象火焰光中
木馬行師云快須進步進云不因柳毅傳書信何緣
得到洞庭湖師云妄通消息乃云臘月八佛成道玉
雞啼青山曉明星煌煌在東方幾人能見釋迦老若
也見去毘藍園裏未嘗生雙林樹下未嘗滅旣無生

撰述

才雲和尚詩全集卷四

又無滅降神處胎出家成道受乳糜轉法輪四十九年皆夢說因甚山僧又饒舌卓拄杖云不因樵子引爭到葛洪家下座

上堂如來宮殿無有邊自然覺者處其中旣處如來宮殿未免乘時于中作廣大佛事仁者見之謂之仁智者見之謂之智麤言及細語皆歸第一義書頭敎娘勤作息尾敎娘莫瞌睡孔懷兄弟同氣連枝路逢劍客須呈劍不是詩人莫獻詩祝融峰頂萬年松凌雲蔽日趙州庭前柏樹子傲雪經霜汝諸人只是不得作境會畢竟作甚麼會擊香尺云止止不須說

我法妙難思

立春上堂春朝春起頭春令打春牛山中沒得看覺得冷湫湫人無遠慮必有近憂山僧一要熱鬧門庭二要諸人歡喜未免生出箇計較平空搭起戲臺將拂子做了芒索牽動露地白牛喝一喝云喝起海底泥牛擊拂子云鞭出陝府鐵牛又向鴻山借一條水牯牛相隨着劉鐵磨老牛來向者裏成羣作隊東觸西觸搖頭擺尾不管他犯人苗稼祇要他兩角堅硬氣衝斗牛恁麼賞春豈不賽過村翁鞭撲土牛憶他丙吉問牛鈍哉石輩牧牛笑殺作舞金牛雖然如

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

是只是尋常者一頭你諸人休更騎牛覓牛山僧與
你賞春過了歸方丈打盹收起拄杖也不來管你打
車打牛何故兒孫自有兒孫福不與兒孫作馬牛下
座

檀越建水陸大會上堂僧問元正啓祚金牛作舞如
何是金牛作舞底意旨師云少賣弄進云白馬傳經
又作麼生師云要換你眼睛進云今日檀越佛事周
隆請和尚舉揚宗旨如何是教外別傳一句師云春
雨如膏問知師久蘊囊中寶今日當陽試借看師橫
按拄杖進云與麼瞎卻天下人眼睛師便打乃云春

山漸青春林漸暖春雨如膏春泉頓長明明空劫事
歷歷祖師機汝諸人若作祖師機會去祇在半途更
作空劫事商量大似揚聲止響所以古者道莫動著
動著卽頭角生剖斗折衡而民不爭絕聖去智其道
大同大同之道譬如虛空體非羣相而不拒彼諸相
發揮水陸空行飛潛動植無不于中暢茂條達優游
自在彼虛空性無作無受大椿未足方其年日月未
可同其照以此摧業障山以此生智慧海以此點鐵
成金以此轉凡成聖說到不若見到不若用到
若也用去直得須彌岌寧海水騰波臨濟德山喫棒

有分祇如今日檀越乘夙願設大會人天普集凡聖
同參拄杖子作箇證明法供養諸人飽滿功不浪施
又作麼生一雨普施滋萬彙何山草木不欣欣
復舉梁武帝問達磨曰朕卽位已來造寺寫經度僧
不可勝紀有何功德祖曰全無功德帝曰何以無功
德祖曰此但人天小果有漏之因帝曰如何是真功
德祖曰淨智妙圓體自空寂如是功德不以世求師
云者老胡雖從西天來原來不會學得釋迦老子佛法
作麼是雙收句乞火和煙得擔泉帶月歸下座
解制上堂僧問出林獅子以何爲食師云好手不張

名乃云現成公案坐斷諸訛本有家珍靈光獨耀九
旬結制無端劃地爲牢十月開爐大似開眼作夢其
或路頭未辨脚下生蹤春草碧色春水綠波送君南
浦傷如之何卓拄杖下座

向火發

牧雲和尚語錄卷第四

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

雨歇吸火同卓卦林下坐
近發題朱筆照石生朝春草碧色春水綠郊畿晝南
音聲時無罷隱娘爲半十日開齋大炒開那半夢其
身以云與公案坐禪箭清本旨案令靈光鬪對此

牧雲和尚語錄卷第五

姑蘇西華山秀峰寺門人行璋等編

興化極樂禪院語錄

開爐上堂昭陽城外煙水茫茫極樂庵中紅爐燄熑
向火燄中拈一莖毛貴圖大家知有脫若七十三八
十四低頭打算算到盡未來際有甚了期還會麼擊
拂子云朝生鵠子撲天飛

上堂買帽相頭喫魚吐骨天然之事勿作奇特喫魚
吐骨山僧少年時知過如今相忘了近日天寒有將
氈帽子一頂送山僧只是不會相得頭似乎戴不著

撰述一

北齊和尚譜錄卷五

昨有禪客問和尚帽有幾多大山僧遂將手向上拓云比頭略寬些又大拓開云還寬些禪客云和尚莫妄語世間那有者樣大帽子山僧遂向伊云只爲婆心憐赤子休言大帽蓋諸人

上堂脾病苦難醫怕風兼怕水昨日喜晴和今朝又風起身披重絮腳踏爐氣寒如箭穿骨髓頻頻腹響走東司不是撒尿便撒屎上前來好兄弟慈悲者解道山僧通身是病慳惄漢定怪山僧無端撒潑天臭氣

長至上堂六陰窮亥一陽已在緇素共知天心無外

古先聖王於是日保守微陽關津商旅不行忽若達磨大師遊梁歷魏還許他過關也無若許他過惑亂人未有了日若不許過盡大地人盡合喫棒何謂如此鄒生妙手能吹律寒谷洋洋總是春

臘八上堂雪山高突兀子夜燦明星一段風流事分明畫不成是卽是爭奈東家點燈西家暗坐惹得釋迦老子大驚小怪道奇哉奇哉一切衆生具有如來智慧德相但以妄想執著而不證得山僧昨晚教諸人入堂莫待明星落眼諸人便恁曲肱高枕似有丈夫氣槩及乎天曉西北風大作空中怒號卷去屋上

60 1 2 3 4 5 6 7 8 9

70 1

2 3 4 5 6 7 8 9

80 1

2 3 4 5 6 7 8

撰述一

白雲山房詩卷五

三重茅因甚又開眼瞌睡葛拈拄杖趁下云山僧說
大風迦老悟明星百戰場中誇好手休嫌伎倆不如
人

上堂釋迦老子道此法華經藏深固幽遠無人能到
既無人能到且道法華經藏在甚麼處且聽山僧注
疏深金輪水際少知音固鐵棒從教打不破幽線索
知誰裏面抽達踏破虛空尋不見既尋不見大衆日
用還有受持分也無若解受持心相體信出入無難
其或未然止宿草庵且居門外

上堂舉僧問藥山平田淺草麇鹿成羣如何射得塵

中主山云看箭僧放身便倒山喚侍者拖出者死漢
僧便走山云弄泥團漢有甚麼限師云者僧草裏藏
身立箇問頭始終能荷藥山一箭中的爭奈射者僧
不死據實評量者僧大似斬頭求活不知利害藥山
老大宗師卻也將錯就錯今日若問山僧只向道千
鈞之弩不爲鼷鼠而發機饒你走過百億世界未免
者箭也穿著骨髓

上堂打魚郎田舍郎上牀一睡到天光天茫茫水茫茫
臘月廿五接玉皇玉皇大帝臨凡善者賞惡者罰
賞罰分明有者道玉皇大帝自在天那曉得人間事

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

都是竈君傳言送語山僧道好與三十拄杖忽有箇
漢出來道和尚棒教誰喫山僧直得無言可對無理
可伸雖然有箇推托處拈拄杖云不因柳毅傳書信
何緣得到洞庭湖便下座

除夕上堂臘月三十夜說著令人怕風頭硬烈烈層
水未肯化正恁麼時天寒人寒滴水滴凍直得縮頭
不得藏身無地那有閒工夫與你說閒話衆中若有
良馬見鞭影而行其或未然來年更有新條在惱亂
春風卒未休

元旦上堂吾本來茲土傳法救迷情一華開五葉結

果自然成此是傳佛心印達磨大師拱手云請向東
邊坐懷州牛喫禾益州馬腹脹天下覓醫人灸猪左
膊上此是華嚴宗主杜順和尚復拱手云請向西邊
坐空手把鋤頭步行騎水牛人從橋上過橋流水不
流此是傳大士卽是將來彌勒世尊又請坐在甚處
遂起身云山僧學多寶佛分半座與他大眾新年新
歲日暖風和佛祖同堂且道說箇甚麼法良久云誰
知鷺嶺當年事一念回光尚宛然

上堂言語斷心行滅疑殺雲門倒一說離四句絕百
非無孔原來是鐵錐試舉看僧問睦州高揖釋迦不

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

拜彌勒時如何州云昨日有人如是問趕出了也僧
云怕某甲不實那州云拄杖不在苕帚柄聊與三十
師拈云睦州自在古寺閒房編蒲供親青天白日被
鬼迷一上若非念兩遍是大明呪是大神呪如何驅
遣得他不惜齒牙細爲敲磕僧問睦州虎生三日氣
便食牛撾布皴于雷門闔黎還識口麼高揖釋迦不
拜彌勒時如何果然抱貶叫屈高高山頂立溪溪海
底行直得盡大地人亡鋒結舌不知者僧落處州云
昨日有人如是問趕出了也著忙作麼明眼宗師天
然猶在如人畏非人非人得其便僧云和尚怕某甲

不實那是何言歟一不做二不休攢入懷裏來也看
睦州作麼生打發州云拄杖不在苕帚柄聊與三十
我今爲汝保任此事終不虛也爲人爲徹殺人見血
彼此沒便宜雪竇拈云睦州只有受璧之心且無割
城之意還見睦州用處麼可謂多岐忘羊易分雪裏
粉難辨墨中煤衲僧家須具緇素眼始得逗到下梢
聊束一頌春風陌上草芊芊花馬騎來白玉鞭經過
高樓逢少婦一條紅線手中牽

上堂唱卽酬點卽到鍼芥相投非草草說也說行也
行機先一著卒難評試舉看爲山睡起坐次仰山問

撰述

妙雪和尚詩卷五

三

訊鴻便回面向壁仰云和尚何得如此鴻起曰我適來得一夢你試爲我原看仰取一盆水與鴻洗面少頃香嚴亦來問訊鴻曰我適來得一夢寂子爲我原了汝更爲我原看嚴乃點一碗茶來鴻曰二子見解過於鴻子師云古人言不虛發仰山香嚴若非四楞塌地三眼洞明爭解恁麼臨機自在如今禪和子纔舉著便道老和尚惺惺著又道和尚青天白日莫作寐語又道我當時若在葛面便唾不然拂袖竟出者些見解總是客作漢野狐涎與仰山香嚴領臉水收茶盞也用不著何故爲他只見已然不見未然見仰

山香嚴做出便尋香逐臭生情立見看得容易殊不知鴻山當時若問著你你如何對他莫道你輩禪和子對不來山僧也對不來爲何對不來爲我知羞耻如今既對不來不免將本文花分一上鴻山睡起坐次合眼也著開眼也著仰山入來問訊左右少他不得鴻起曰我適來得一夢你試爲我原看險仰取一盆水與鴻洗面親承入室真子不同門外遊人鴻洗面復坐兒孫得力室內不知香嚴亦來問訊難兄難弟鴻曰我適來得一夢寂子爲我原了汝更與我原看險嚴乃點一碗茶來鈎在不疑之地鴻曰二子見

撰述

拾雲和尚詩集卷五

解過於鴛子不妄授記你禪和子須知此公案風恬
浪靜中有傾湫倒巒之勢一併頌出閒來父子葛些
藤特地商量似不曾鴛子眼光饒利殺臨機敢保未
相應

上堂曠雪不肯消階前要等伴山門兩扇開有口解
喫飯千古意分明一堂風冷淡袖手對西風雪中無
送炭多謝諸鄉長來把山僧看有麵做饅頭有米炊
香飯供養僧伽耶覲錢隨手散者樣大功德如何不
慶讚且如何慶讚山僧不學老金牛諸人莫待人呼
喚三通板響喫飯來个个齒牙俱利便明眼者恐諸

人食飽傷心門外漢怪山僧和麩糴麵便下座

上堂向上一機青天白日無取無捨無固無必如是
知如是見如是信解不生法相如人有目日光明照
見種種色現前緇緇素素長長短短無纖毫差別所
謂是法平等無有高下旣無高下相亦無無高下相
所以如來說衆生卽非衆生說世界卽非世界旣非
世界莫是微塵麼要且不是旣非衆生莫是佛麼要
且不是旣非世界微塵衆生與佛莫是甚麼物麼要
祖師也只得退身三步尋名覓相枉役心神不若著

撰述

物語利清詩錄卷五

衣持鉢安分度時僧是僧俗是俗山是山水是水總不得動著且作麼生得流通去驕拈拄杖云金剛般若波羅蜜法會因由分第一卓一卓下座

上堂極樂極樂天涯海角舖子將收家私落索雪峰木毬普化鈴鐸搖搖打打捫捫摸摸仔細看來是何面目鐘鳴銅山崩劍舉蜀頭落還會麼雲門叅見睦州會得秦時輞轔叅

鎮江鶴林禪寺語錄

入寺上堂僧問舊店新開人盡覩重光祖印乞師慈師云殿前雙柏立進云恁麼則山靈生色四衆霑恩

師云門外萬松排僧禮拜師乃云楊子江心大浪飛白連天鐵甕城邊好山排青立地肇開香刹有此禪林縞衣聽法舞層霄烏帽逢僧閒半日寄奴泉信爲王者所鑿杜鵑花浪傳僧行移歸法無定相遇緣卽宗山僧今日借釋迦老子手中一華拈示大衆遂舉拂子云見麼若也見去芳菲滿袖爛熳驚人若也不見卻成當面蹉過衆中有具眼底莫被山僧謾好復舉玄素禪師住山時有僧敲門素云誰僧應云是僧素云莫道是僧佛來亦不著僧問爲甚不著素云無汝棲泊處大衆玄素禪師傳牛頭一枝佛法不妨

撰述

牛雲和尚錄卷五

孤峻若是山僧待云是僧卽向道青天白日寐語作
麼諸公若言下了然便見古人立地處其或未然下
座同禮祖師三拜

上堂僧問列祖家風卽且置無絃曲調請師宣師云
五音六律甚分明進云好音在耳人皆聳一句無私
亘古今師云松長柏短進云官不容鍼更借一問師
云莫亂走乃云鴻鵠峰前摩笄山下日暖風和一草
一木無不爲諸人轉大法輪山僧登座卻無一字可
說雖然今日旣處勝地名藍又遇通方達士不免向
無言處顯言無法處演法乘時演化去也良久云拈

起少林無孔笛橫吹一曲大江邊擊拂子下座

上堂山僧自入此寺雖未敢稱住持卻也事繁毎日
論量鍋眼大小杓柄短長祖師西來意不知向甚處
去也遂說偈云佛法在平常諸公漫度量做泥塗舊
壁挑瓦蓋新廊手眼同時到家風已自彰在筵垂護
者同願壽而康拈拄杖下座

浙中歸上堂祖師一機溪明向上當陽一句只在聲
前提得則天上人間放則無處迴避所以道昭昭于
心目之間而相不可覩晃晃於色塵之內而理不可
分到者裏流水桃花別通春色雞鳴犬吠各露風光

撰述

牧雲和尚語錄卷五

在處可作津梁無方不堪垂手是則是祇如維摩居士道法非文字言語斷故還有道得轉身句者麼良久云青蛇上竹一種色黃鳥過墻無限情

受天童山請師在梅溪陞座山僧近年來衰病精神悴脫卻住持縛寄情在煙水奈何天童山累次到專使賢侯命既嚴外護誠殊至况乎乳峰老殷勤佐片紙勸諭承再三抑逼亦再四法任不荷擔自了廢人耳感斯金石言所以幡然起天童固祖席吾宗有源委應祖塔玲瓏密祖中峰位先師在南山聲光震寰宇旣從法化生廬墓思何已不辭抱病行西風吹杖

履祖意了無藏家聲冀不墜大眾今日符到奉行且如何是應時應節最親切句提起破砂盆諸人須見底卓拄杖三下下座

仰祐



牧雲和尚語錄卷第五

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

至

有

篠

毛利

小井屋

筒

如雨

敢保

師

在

60

1

2

3

4

5

6

7

8

9

70

1

2

3

4

5

6

7

8

9

80

1

2

3

4

5

6

7

8

9

10

モ丹三

説題

牛馬木山文庫